

公 欣

通 河

层

晋 集 诗 稿

四

共 1 册 存 1 册 排架号

08724

寄巢詩稿

青田端木百祿遺著

題友人鶴溪坐釣圖

我從石門歸晚傍鶴溪泊相傳浮邱伯於此沐玄鶴鶴溪之水清
且連鶴溪主人癡如仙釣絲口風飛不起白石如拳清見底掣鯨
碧海事何難聞趣安能突過此鏡中一□照鬚眉便著羊裘與世
辭却笑投竿渭水老白頭能化熊羆羅羨君烟波好休息漁弟漁
兄慣相識他年釣得雙鯉魚中有相思故人墨

宿環翠卷

讀罷南華思悄然佛爐香燼淡無烟西風一夜寒如水口子鏗鏗
落枕邊

湘簾半捲近秋河無數沉雲趁雁過小月窺人霜撥地滿身花影



夜涼多

蓬城書院夜坐

孤館夜冥冥，天涼酒氣醒。
亂雲吞月黑，驟雨逼燈青。
徑濕細吟蟋，窗寬但墮螢。
空階聞落葉，那不感飄零。

萬象山烟雨樓

危樓面羣峯，嵐青沐初雨。
不見遠人村，但聞隔溪榜。
烟光何霏霏，林杪嬾如縷。
破暎表斜陽，低紅淡無主。

苕江心孤嶼

一望渺無際，中川落日遲。
江空歸鳥遠，風急亂帆危。
雙塔穿林出，孤雲帶石移。
荒祠難共即，愴絕讀殘碑。

登孟樓

孟公今不作，千載寫風流。
誰繼斯人後，來登此日樓。
荒烟孤嶼樹

相

落日大江秋，惟有青山色。
遙空兩向愁

吳品梅惠畫梅書此以贈

枯蒼山下君所家，老梅萬樹春爭花。
天然姿態入圖畫，但愁俗筆工鉛華。
君身羨汝玄鶴侶，胸羅萬本宣和譜。
一枝充管走龍蛇，淡墨輕烟落瓊楮。
高人揮洒偶寫真，脫盡窠臼筆有神。
興來撥墨便成畫，意中含挹先天春。
老幹槎枒醜枝，相一梢半斷如屈鐵。
腕底能露凍雪香，毫尖忽吐中天月。
偶來臙揅東甌東，拍肩一笑驚相逢。
與容並客領芳趣，松臺山下多松風。
贈我口虬春幾幅，珠斗凌空香十斛。
不須驛使寄相思，一片寒光撐老屋。
雪湖已往不可期，君今老腕能出奇。
寄巢尚缺梅花眼，待汝花間老畫師。

閨情

春闈春深懶畫眉，憐渠瘦靨鏡先知。
落花滿地無人惜，盡日垂簾

帳

08724

獨坐時

游萬象山

青山斜枕綠楊村
拄杖尋春日未昏
孤蓋難逢秦學士
殘碑爭拓趙王孫
自註山下有秦淮海祠
鶯花寂寞靈祠宇
烟雨荒涼鎖寺門
獨客天涯重懷古
一恁惆悵一銷魂

萬松書院有作

十里松雲護石根
風光何必減西園
林深啼鳥不知午
春暖好花剛近門
一夜泉聲春客枕
四山嵐翠落吟樽
聞中休息誠難得
未怨年三鶴在棋

題奚樹樓丈疑南山秋稼圖

十年別苦溪
往來魂夢中
寥落先人處
雲山隔音容
翁具烟霞性
丘壑暢心胸
對面萬屏山
還往樵雲蹤
出山訪西子
鼓棹蘇堤東

腰

開仗

清興約朋舊
共上南屏峰
西風健脚脚
散踏青芙蓉
高吟落老墨
文采誰與同
虛懷乃索句
舞鶴羞羊公
珠玉已在前
辯香世所宗
何時玉湖口
扶杖長追從

萬松講舍夜與諸葛榴生壽懷王麗玉時容湖南

客路西風早
蕭然動遠情
空山沉夜雨
獨樹作秋聲
落月疑顏色
聞樽杖友生
相江多木葉
何處訊孤征

富春江舟中

沙口江空雁有聲
秋江一樣算行程
西風吹夢歸千里
疎雨敲蓬到五更
醒後健忘佳句
失客中狂醉遠愁
生曉來又掛蒲帆
去烟樹蒼茫認不明

詠鏡中半截美人

菱花對鏡易傳神
半掩口身不染塵
多少傾城好顏色
古來能得

幾完人

石門洞

一徑入深翠孤亭支暮烟樹圍天勢少風轉澗聲驚野客携尊過
山僮枕石眠欲尋謝公蹟絕壁有寒泉

環翠庵

昔有清溪客幽居避世塵採芝長飼鶴煨芋不分人雲水明僧眼
莓苔上佛身何當捐俗慮茅屋洽比鄰

鶯花亭

姜山猶送舊時青撐雨支風賸此亭鶯語未銷逸客恨花光能使
酒人醒苔綠壞檻荒烟老州沒殘碑落日冥幾度登臨弔淮海萍
踪我亦尚飄零

劉文成授經圖

忠孝傳家祇一經奇書原不教趨庭自知秘術終招忌悔殺鄱陽
指難星

王氣消沉三百年畫圖誰復寫凌烟星移物換河山改第一傷心

是老蓮

自註國陳
章侯所作

石帆

峭壁平於州片帆挂渡頭半空銜夕照孤勢截溪流但解棲鴉陣
難煩送客舟自從開辦後終古幾曾收

閨怨

苔痕過雨上窓紗對鏡還慵理髻鴉那得無愁似春草隨風送綠
遍天涯

渡飛雲江

一葉雲江外天青接海門風追帆勢猛潮集市聲喧客夢烟中寺

鵲啼雨後村孤行不得泊愁絕易黃昏

枯州竹枝詞

錦屏山似錦屏開鏡架礪如玉鏡臺新婦垂頭總含怨石帆不肯

送郎回

自註石帆大郎回小郎回皆地名

松溪亂石激奔湍多少篙師束手看七十二灘撐不上上灘還比

上天難

石溪溪邊風日幽小溪溪水如油儂情願比雙溪水春去春來

總合流

秋海棠

離魂倩女想前身泣露啼烟認不真一種相思入幽艷斷腸顏色

不宜春

粉黛啼粧絕可憐秋光已到十分妍西風庭院涼如水多恐離愁

欲化烟

舟中聞雁

獨客不成寐宵深聞雁聲豈真令別怨亦此發哀鳴殘月半灘水

孤舟千里情江湖歸夢遠挂席又天明

將至縉雲旅居題壁

歷盡風塵鬢未凋愁垂蒼嶺路迢迢孤雲無主逐前程殘葉滿山

疎晚口十里輪蹄朋輩遠一樽燈火壯心消天涯此際情何限破

館寒衾伴寂寥

姜山為宋榷酒稅處

一徑入松林松花墮如雨烟光霏中是宋榷酒所緬昔秦少遊

謫監村中酤藤陰夢何短風月莽誰主遙八百年鶯花渺今古

祇餘酒餅在鵬浮出黃土

病

蛻

累枯

行

那

悼亡

勞汝年時晚鹿忙耐貧共守硯田荒生多風慧知非福痛到垂危
尚喚郎急漏嚴雅春夢短孤燈獨照夜愁長寒梅自分清瘦骨却
惜無端聘海棠

遽然委脫可勝悲忍憶簾前並坐時兩載短緣過彈指百年奢願
失齊眉經秋病鶴垂垂瘦入夜鰥魚耿耿知天上人間何處問欲
呼青鳥寄相思

不信惹悲憤悔誣半生空許佛為奴自註余少字佛奴曇花豈合紅塵壽

靈藥難蘇碧海姑小劫情天多劫陷幻綠色界想模糊請書竟說

無生界營真營齊報得無自註是年讀書瑞安第一山本寂寺

空房寂寂幾昏昏獨向床頭泪暗吞破鏡朱顏難駐影亂書粉指
尚留痕埋香脚亦牽遺恨口海仙能度孽根囊我瑤琴彈不得離

驚一曲易消魂

低聲無復喚卿卿獨走天涯又遠客識字過人難續命焚香誤汝
祝成名情根未斷歸虛想夢鏡相逢尚再生可惜無家竟長別不
辭辛苦覓佳城

寄江華樓退谷

九里洲前春水生故人天末不勝情總持老去青山在冷落梅花
雪後盟

湖上曉起

曉山青於烟殘月白在樹孤艇又魚歸漾漾湖裏去

春日過桃花嶺試作

桃花嶺上多春風春來無數桃花紅香塵撲面玉鞭拂行人恍入
桃源中一片晴霞飛不起明辨村頭與村尾流鶯出花又引人人

家多住桃花裏此時山中春未歸峰三掩映春成園濕翠捎雲撥
紅雨飛花亂隨行人衣螺髻四面彤雲護天台此去無多路赤城
玉女仙相逢步障圍銷暗香霧香霧濃薰欲化烟分明環珮下瓊
仙一聲玉笛臨風倚管領桃花洞裡天仙雀曉來花前騎賞花不
減憐才意春風分得狄公門敢學玉真長避世即此層巒照眼明
天公故放春光晴回首好溪香不斷一路桃花春水生

虹橋感舊詩

虹橋為余亡室林孺人舊居自己巳迄今中間離合盛衰
情事不一鏡檻已徙粧臺儼存玉種無根烟消雲散矣三
年回首人物全非追憶影事不勝零落之感己酉秋九月

花邊臺榭水邊亭尚有春姿入畫屏簾約午風塵不掃燈餘殘夢
酒微醒雙棲啼血同心鳥偶合無根斷梗萍多謝虹橋舊時柳門

前向我眼垂青

蘭房閨字罷粧時托我銀毫為画眉對月不辭風口地折花遍愛
蕊頭枝偶描翠蛟能勾粉學秦紅蠶看吐絲詠絮吟椒多韻事吟
窗親寫玉臺詩

石門訪劉文成讀書處

謝公携屐後此地有名園數畝依書舍千秋印石門疎峯清面宇
飛瀑白懸軒幕古縈詩夢臨風斷客魂犁眉瞻林履洞口樂晨昏
往哲能遺世當年此避喧異雲微沙水列宿應薇垣未值龍乘位
何妨鶴在樊羹遲調傳說鞭早著劉琨四海烽烟接羣雄壁壘屯
蝸方爭劇盜鹿已走中原皖北塵氛擾鄱陽雪浪翻奇緣千載遇
壯志九江吞運策成鴻烈金師振虎賁蒼生全慰望黃屋屢承恩
奸佞工猜忌談洋被謗言彈棋纜荷寵飲藥竟銜冤縱使魚逢水

賢招來

偏教積債贖功名真主震事業悔天揪即此留芳躅猶堪松後昆
年華同水激子姓比雲繁韜畧令宜秘燈檠昔尚存隆中惟舊宅
圮上亦孤村虛寢尚棲塢深林亦嘯猿碑殘多缺字恐斷又通源
頗欲誅茅卧林香好雪煩

吳紅生太守

蘇晉集辰重陽會出陳未齋先生與其父湛山

先生丙子閏重陽詩步韻繪示閏九誦芬圖即題其上

昔陽紀勝重陽閏七十年來歲月間塵世光陰如逝水詩人心事
在名山招邀筮屐林巒外收拾烟雲繚素問今日披圖感遺跡同
求索勾掩松闕

都中春曉

走馬長安道東風御柳新霧開金闕曉冰泮玉溝春又作離鄉客
慙為觀國賓 聖人初嗣後正待直言陳

名字

死

題餓夫墓楊性農檢討彙珍屬賦

餓夫字之燦若了凡蠡縣人遭亂亂棄諸生出苾曾至蘇
門止徵君孫鍾元家獨行踽踽不可一世不數月又他去
莫知所往既而又至蘇門孫徵君勸以歸老墳墓答曰出
門誓不歸不能蹈東海西山而死即溝壑道路無恨也竟
登嘯臺不食而坐死同人為營冢徵君題曰餓夫墓事見
王漁洋集中

蠹食窮壤問心先萬物飛軀幹槁然存精氣又銷靡挺一彭餓夫

曠代能有幾惟以炯然心常懷食粟耻西山片石在千載接芳軌
何時訪蘇門一酌荐寒水

哭羅蘿村師

神仙骨相嶽精英宏獎猶存古典型寒士窮途感知己名山舊業

慰
晚
烽

渺傳經身羈燕市先心痛目斷羊城有涕零回首西園讀書處不堪重賦定香亭

師祖學兩浙時曾遊于讀書西園命續撰定香亭後賦

聞林少穆先生奉命出征粵右感作

幾載龍沙老荷戈蒼生蔚望竟如何驚心瘴海烟烟起隻手孤臣涕泪多家國憂深天付託英雄脫出病消磨勳名定繼姚江後靜聽軍中奏凱歌

歲月

歲月不可挽羈棲又二年文章憎士命詩酒逐塵緣夜夢黃河曲鄉心白雁遠長安真似奕一著讓入先

庭樹

庭前有老樹蕭森孤幹旋年深形漸疎况值暮秋景寒露終夜光疎星拂其頂風來葉聲出過月得窻影悠々歲月間塵夢忽以醒

枝

買山願曾違匿跡即云幸願結歲寒盟真趣靜中領

銀灣早起

烟散日初上東窓照眼明晴檐垂宿溜嬌鳥弄春聲車馬彼何事林泉如有情軟塵飛不起心跡似水清

出都道中作

望雲無限情悔教戀浮名塵劫三秋夢輪蹄萬里征驛門生野色車子作邊聲自別長安道歸心算幾程

驅車悲遠道日月繞雙輪天地勞我輩風塵勞此身文章原有價窮達豈因人強作干時策奔波為老親

聞愁與別緒強半入親詩鄉夢鷄聲失雲山馬足移故園梅有子官道柳多絲悵望天南路長河落日遲

渡錢唐江

新
英

去去天涯悔此游，纔離征馬又扁舟。送人細雨吳山暮，犯曉西風越樹秋。旅枕已消京國夢，詩篇能接故鄉愁。青衫寥落青楓痛，怕過黃蘗感舊儔。
時友人沈月波張棟生俱作古

縉雲道中

頻年勞塵鞅，此日拂衣回。落葉四山暮，西風一雁來。黃蘗悲故友，
詞張棟生白袷愧新埃。匣劍能嘯雄，心料未灰。

池上樓夜同曾蘅坪

涼意雨餘足，波光一色秋。天風吹海月，清影入池樓。對酒莫辭醉，
名山且卧游。西堂詩夢地，難得此勾留。

登萬象山烟雨樓

木葉蕭瑟雨乍收，碧天無際客登樓。千家落日開新霽，一雁西風帶晚秋。溪漲綠拖官渡尾，晴巖春過女牆頭。鶯花往事成陳迹，猶

憶當年秦少游

憶舊

故園此際綠陰深，腸斷天涯別恨侵。便許重來人面杳，桃花門巷畫沉沉。
好夢難尋種玉田，果然謫女證仙緣。虹橋記得門前路，長天如愁綠漲天。

東山草堂同董紫潯題

謝草年年綠，天涯思不禁。鳥啼春晝永，門閉落花深。雨有催詩意，雲懷出岫心。孤吟君莫怨，海內幾知音。

癸丑仲秋菊亭修禊

會者為會稽孫子九茂才，
城周雪甌孝廉，
光祖李蕤容茂才，
模山陰沈奇颯，
上舍王平子茂才，
文蔚楊漁賓茂才，
思振蕭山丁韻琴司馬，
文蔚陳荃譜孝

春水

廉潤上虞徐葆意明經度復祥符周叔雲太史星譽全弟

李颯星詒及予九十有二人山陰余曉雲孝廉承普樓蓮

初上口錢唐季試鷗祝善祥符周素生明府灝孫大眉許

大眉截當遂馬鶴泉學博壽齡大定評梅孫樹珊因事未

至同人以袂帖羣賢畢至三句分韻予得崇字

十年別蘭渚時入魂夢中今年客梅市頗滌塵俗胸良辰天所貸

道與癸丑逢非不動將興歸思殊忽時將歸驪駒未及唱一絃

來涯公叔雲號曲水約戎游出郭同支筇仲秋風日美樽酒相追

從荒祠謁內史好把江左風遠懷曲干朝俛仰怨道良時忽以邁

行樂當有終我輩生已晚出處將毋同千載未云遙孤懷猶與通

□□□□行雲無定踪放眼塵寰間茫茫天地空歌聲出金石

萬壑驚潏然同游多舊雨清談兼阿戎招提欣載筆是日出游誰

擅風雅宗相於時忘夕落日銜遠峯相將送歸路醉踏青芙蓉是日

同人并餞

予將歸括蒼同社友人餞於蘭亭感賦

烟情曲水渺涼波朋舊同來以詠歌眼底名山秋氣早袖中詩卷

客程多風光不讓春元已人物須追晉永和俛仰猶成今昔感茫

茫身世復如何

暢情觴詠繼前賢舊雨重逢非偶然驢背客歸烟外寺鴨頭人送

鏡中天一年佳節秋將半千里鄉心月幾圓飄泊萍踪多散聚且

留文字證因緣

稽山鏡水久勾留寥落青衫感舊遊塵世光陰如過客詩人心事

易驚秋開樽恰好吟紅葉歸路何須問白鷗從此蒼山能息影卧

聽飛瀑石門流

西冷聞警

烽烟滿目大江橫，獨立蒼茫百感并。
建業山河銷虎氣，吳天風雨有鷗聲。
書生救賊縞誰棄，詩酒驕人劍欲鳴。
暮地紅巾烏合起，笑他仗馬盡功名。

括蒼山絕句

一里一峯回層巒，面面向樵路細翻雲。
露髻高松上，行人萬山中。松影落雲翠，
流水合無情。那知出山意，嶺外種桃花。
春涼紅到底，人家笑訝聲。都在桃花裏。

沈寄賦 論印圖

書架代結繩，鳥踪難追擬篆隸。變其書字學，今逸矣。沈子汲古深，讀書徵亥豕。手撫鐘鼎文，更擅秦斯璽。八體本素精，篆印餘事耳。年深巨集成，藝林推絕技。運用逞英思，蟲魚集腕底。意在筆筆先。

跡

士

樹

非徒得形似，偶投造化奇。且兼古人美，我亦學雕蟲。局促羞自比，猶憶初識君。大隱隱城市，論印惟古歡。故懷神先喜，宣和譜不傳。趙氏遺印史，楊鐵曾淪種。口口又口全，開快識淵源。千載有同軌，重子口口才足称。好古人。

雙樹園雜咏

梅花姑射姿，獨耐雪霜冷。生性喜姮娥，娟娟弄疎影。

梅花

種蕉不期雨，雨乃何太忍。點點打連宵，秋心碎容枕。

蕉雨廬

水暖鴛鴦嗔，香濃鷺鷥醒。片片露華涼，吹落紅花影。

芙蓉塘

古調知音稀，蓮石寄孤賞。我欲彈相思，涼霄遲月上。

臥琴石

寒菊自着花，霜前獨耐久。屈指近重陽，白衣誰送酒。

黃花徑

山人師竹心，手種千竿玉。啼鳥時復來，一聲破幽綠。

竹中居

男兒志四方，豈願食其力。一畦老英雄，天意竟難測。

種菜畦

題唐烈婦墓

蘇好容妻事蹟在縣志

高水雲山鬱鬱青
松林下有烈婦墓
清氣盤幽深
烈婦之心堅如鍊
烈婦之身玉同潔
玉為可磨鐵可折
吁嗟此墓此名終不滅

幽蘭曲

幽蘭如幽人
國香在空谷
僻處弄素質
背立甘影獨
衆州羞與伍
那受出山辱
襲芳豈無人
獻媚非所欲

山田觀穫

枯蒼之山多秋田
層層直上山之巔
高田無水只待雨
低田橫免能通泉
我過蒼嶺正秋穫
打稻聲出晴霞遠
村童送饅捧芋出
稚子拾萑攀蘿緣
欲野老向我語
水旱難免心憂煎
古來狂屢挾水出秋田多
被坵沙填平地急化作土阜
馬有力士開陌阡
今夏驕陽幾為虐
得雨幸天無所偏
天時應需人力補
手足馬辭賦與

胼官糧追催吏如虎
恣意搜索遂笞鞭
吁嗟乎山民力田真可憐
教少那抵租賦錢

東甌紅花歌

東甌三月春風暮
江村十里花田路
紅花曉採入城來
一肩春色猶含露
買得歸來各滿筐
深園盡日為花忙
眉雲滌粉滷露汁
從此紅樓傍晚粧
雞鳴布裘傾壺濯
江夜勝文君錦惜花原是美人
心欲借為容
心反甚乞取顏色
須花神
涉花濃抹
俱新新劫餘
留得春風蜀金屋
常教護美人
容顏却比花長好
色戒却因人漸老
一生能得幾回新
欲惜青春須及早

詠史

獲三風雲起沛豐
獨教曹掾建奇功
一生事業韓排上
萬里山河掌
握中八國自先收
圖藉登壇誰復識
英雄散閱比烈何人繼
東

漢名臣數寇公蕭何

國士無雙漢室安
繫由躡足事堪歎
酬恩男女千金易
末路英雄一飯難
任楚緣杖疎空仗
劍與劉才大浸投竿
誰憐長樂鐘聲夜
烏盡弓藏淚未乾

韓信

聞道將軍已破秦
何因降漢又迷津
顏如冠王推奇士
計視多金

拜故人割肉早欲能
宰世屈身幾愧作宗臣
韓彭醜後全要領
祇

合齋居日欲醇陳平

明良遇合轉嫌猜
遠謫長沙路可哀
宣室鬼神勞問訊
西京禮樂

費增裁文章有命空
投策天地無情亦忘才
周鼎當時傷頓棄
徒

教廷尉作良媒賈誼

義士孤心祇自知
旌旂落盡節空持
冰天月黑羊裘冷
瀚海雲黃

雁足遲淚洒河梁
交誼重形圖麟閣
大名垂可憐
人老關山雪十

九年歸鬢已絲蘇武

宿石佛寺

葦落空山秋林梢
月初上入門不見人
但聞木魚響
須臾老僧出

迎客皆合掌
瞥見蓮座中石高
不盈丈老僧笑示人
此迺真佛像

當寺未建時石已立
榛莽雖然石質頑
猶堪窺彷彿
佛家像教人

莊嚴衆生仰豈留
生滅身無來亦無往
問佛佛不言
佛豈笑余罔

戒為名利羶
頻年勞塵鞅偶憇禪房
幽林泉生蕭爽
短榻寄孤蓬

鑿影搖秋幌
靜夜聞鐘聲皆作
虛空想我輩
山中入何時脫塵網

秋日閒居

吟罷新詩手自抄
數椽老屋慣遮茅
苔荒古磴蟲依戶
葉落空林

鳥露巢小窻
只留松月到門闕
惟有竹風敲
閨情最是黃昏後
幾

點殘星挂柳梢

武池小景和黃肖山師

台山萬丈矚榛蕪，策杖何人不憚勞。天外玉鸞繞，曉海雲捧上
一輪高。台地朝暾

石床夢醒夕陽斜，雪竇泉香愛煮茶。蟹眼春生爐火活，玉甌新試
碧雲芽。乳洞春泉

新秋萬頃暮雲平，風刮□紋縞。自生只有村牛浮鼻過，連天碧波
總無聲。虹嶺參浪

蒼松千尺接雲霄，獨卧雲山破寂寥。不有枕邊聞落子，聲之長悞
海門潮。鶴壁松濤

古徑僧歸暮色沉，寺門遙鎖白雲深。殘鐘幾口穿林表，月滿空山
何處尋。雲寺晚鐘

十里湖光爽鏡開，碧天如水好徘徊。菱歌未罷漁歌起，有客扁舟

浪

出

蹇

忍

載月來 東湖秋月

秋老霜前木葉知，行人路上漫題詩。年來別恨隨流水，欲把相思
寄與誰。溪南紅葉

策蹇尋梅路不迷，玉鞭才過板橋西。天心未盡消殘雪，留與詩人
趁馬蹄。板橋殘雪

別家游吳作

天涯遊子恨何依，春老江南花亂飛。一帙音書勞雁足，去冬離華村夫子以
先人目送關山手自揮。我與梅花曾有約，故園別久定思歸。時欲赴湖州展

過括蒼古道

峯勢摩空起，風光瞥目新。充巖蹲似虎，枯木立如人。古道歎行路，
深山多隱淪。何時捐塵慮，長作卧雲身。

空山春雨霽處處見桃花石壁多棲蝠種田盡種麻雲深歲鳥道
山扶露人家欲訪仙都跡寒林日已斜

羅蘿村以所書團扇見惠因作

師弟淵源有風因惠來紉扇月同圓從令若說陳團扇事風流
五十年阮相國撫浙時嘗仿庾畫院製團扇命多士題詩佳者許
以扇贈錢居陳雲伯先生首選賞故人稱為陳團扇

萬松書屋會諸葛榴生

子規聲裏送春還松舍無人晝掩闥花欲辭枝猶戀樹雲原作雨
莫歸山讀書共有千秋志覓句原無一日閒幸有同心聯白社群
賢觴詠許躋攀

聞道驂胎快著鞭凌雲意氣尚無前出山未遂蒼生望又客先增
白髮憐歲月急於奔電馬功名難似上灘船故園舊有梅花約孤
負春光又一年

榆蔭樓圖為榆樓丈題

芒鞋竹杖伴吟身客裡相逢氣味親門對晴溪常貯月家藏美酒
慣留賓廣羅瓦礫珍殘字多種青榆避俗塵曠代風流多韻事一
樓千古兩詩人厲樊榭約姪
人口口舊樓

孤山謁林和靖墓

巢居幽結山之巔花天月地人中仙玉簪化後一千載誰來長花
烟霞眠荒墳向在孤山側年年遊客常登陟青山白骨結詩盟何
用兒孫作寒食先生一去今難過河山千古將誰付涼風吹上月
明時吟魂尚繞梅花樹醉倒花前夢有無斷橋西去正愁予青天
一片涼雲潤夜半雲山鶴泪孤

午夢得空山落葉二句枕上迺足成之

孤枕涼生響暮鴻詩魂一縷墜西風空山落葉不知數秋在柴門

細雨中

夜坐枕經室

夜色涼如水蕭然秋滿庭樓高驚過雁竹暗墮流螢塔葉和愁積
山泉帶夢聽深宵清不寐吹火讀義經

答王雨生

治樓

挑燈依舊話杭州歲月無情滯壯游雁語孤親孤客枕蟲聲能訴
故鄉秋可無綠酒同邀醉除却青山莫解愁共說西園好風景一
年容易此勾留

湖上贈友人

故人將遠別約上木蘭舟杯酒逢新雨諸楊見山詩篇續舊雨濃霜紅
樹老細雨白蘋秋歸夢不能到吳山相向愁

鑑湖夜泛

吟

鑑湖秋色媚遙夜獨乘舟明月色明于畫諺情淡若秋鐘沉烟外
寺笛起水邊樓一望渺無際江空漁火流

守梅庵偶吟

落子如盆照畫欄座間流水向誰彈三更然帳春如夢人與梅花
一夜寒

寄西吟

舊游曾記西吟路婁訪孤山處士家強被天涯口縛住更無清夢
到梅花

城東看菜花

年來逸興稀芳時屢相失尋春不憚遙路繞清溪側照眼菜花明
遠帶夕陽色輕烟未全遮宿雨尚留濕澹蕩春風過清香射可挹
所惜春漸暮年華驚電疾試問散金多一刻能買得

風吹

偏

樓語

題友人紅樹相望圖

日暮樹臺翳綠陰，腥紅簾幙氣沉沉。
琴聲入夜孤弦寂，人語隔花春意深。
蠟炬成灰情不斷，藍橋無路夢難尋。
相思未許鸞牋寄，倦倚東風恨不禁。

石溪山房平堰閒步

幽居愛巖壑，何處不悠然。
花徑高於屋，松聲細似泉。
亂帆春水好，斷磬夕陽邊。
游客倦忘返，前溪已暝烟。

美人睡極歌

三竿日暖鶯聲滑，鶯醒鎖窗人。
二八夢魂不得到，遼西征人萬里關。
山隔昨宵喜報燈花開，令宵征人仍未來。
一春依舊空床守鴛鴦，枕上生塵埃。
春雲覆額眠新起，漁陽纔罷蕃薇洗。
一片芫花照畫眉，口情那得圓如此。
容顏憔悴空所思，含情無語全釵知。
與即

舊結同心願，白髮猶是深。
相知即心知，月有圓缺妾泪啼。
殘杜鵑血粧成脈，閉空房。
一生離情向誰說，恨水愁烟年復年。
機中錦字心綿，妾身縱得如團扇。
未到秋風盡捐棄，一年花只三春好。
寄語即君要，銖早莫使空閨怨。
相思□□坐待紅顏老。

城東閒步

翁近紅橋接村深，綠酒香桃花門巷靜。
無柰又斜陽。

秋柳

走馬章臺鬢未彫，一年閱盡短長條。
風塵憔悴誰青眼，肯向人前便折腰。

一場春夢散如烟，遠道相逢劇可憐。
只恐畫眉人易老，蕭蕭風雨傷誰眠。

宿金坑

孤劍學龍嘯新愁當夜生殘燈搖客夢寒枕約溪聲飢鼠穿床出
枯蟲繞砌鳴月斜窓送白睡眼訝天明

晨起即事

曉起日初上一鳥鳴枝頭枝頭裊裊花滴露香無休主人多逸興
高敞宸窓幽對花置瑤席綠燈香盈甌東風來浩蕩搖動花光浮
麗景天所貸况復在林邱人生不行樂明日花亦愁徘徊花枝下
悵然念良儔

螢火

庭院翳暮雲銀蟾韜未出一星暗中流幽火明熠熠宵行弄餘輝
涼風吹不滅雨歇泓堦將露寒綴樹窠有時墮搖云穿幃照書快
斤斤曾小明終不期暗室

七夕感牛女事

雲錦衣裳手織成靈心莫贖別離情從今不乞天孫巧多少功名
誤此生

縱然一水隔迨二歲秋期總不遠應勝廣寒宮裏住青海碧海
夜無聊

南屏山樓夜坐

吟詩徑冷少人行時有小童掃葉聲涼月肯來雲忽散風吹樹影
上窓明

焚香讀畫亦清閑不學枯禪但掩關一枕白雲寒似水鍾聲敲夢
落空山

予應童子試以秋花詩受知於蘿村夫子根蒙見許忽忽至
令學無寸進而顛躓場屋有年矣近聞師以少司空乞疾
將歸羊城感恩知己無由副師之厚望即將秋花重拈一

律以寓其意

木葉蕭蕭夕照沉，養花非復是春陰。
殘枝獨抱凌霜節，晚卉誰憐向日心。
秋士深情江上老，美人愁思暮時深。
文章祇合歸平淡，寥落何期遇賞音。

石僧山

是何面壁學跏趺，風雨空山石徑斜。
皓月全憑描色相，閒雲留待作袈裟。
身依巖外長披薜，肩聳霞邊屢集鴉。
為問西來緣底事，相逢無語笑拈花。

觀音玩

音本無可觀，玩亦豈能食。胡為西溪山，奇撰傳自昔。
攜鋤入雲坑，搜巖出靈液。搏飯甌旁飽，戎以黍稷豈同瘠。
土民難以食其力，黠補造化工。歲飢無菜色，佛本誓度人。
蒸沙了無跡，却笑頑懶仙。

餓來費煮石

夢仲吉

十月二十六日

斗湖遠隔路三千，營黃卿猶望俸錢不信夢。
魂飛得到西風吹落，寄巢速予讀書處曰寄巢

相逢含笑總無詞，死別生離兩不知。
錯道海棠吟舊樹，繡床燈火夜涼時。

題鄭芙卿女士綠雲館遺作

中摺詩才久寂寥，彩鸞何幸嫁文蕭。
玉臺賦就華年促，艷福書生未易銷。
裁雲鏤月句清新，檢讀餘篇倍愴神。
女子有才天更忌，千秋誰是管夫人。

翰山樓

市隱依城郭樓高地不偏晚雲都在樹遠水不分天客夢烟中寺
漁歌月下船竹窻宵更靜枕上聽流泉

江山船竹枝詞

吳儂生少十分嬌怕看三江八月潮相約鄰船避潮去大家移棹
泊朱橋

春來春去落江濱花作圍屏花作障多謝画眉潭水好年年長照
画眉人

山陰舟覆紀事

斷梗飄萍廿載餘風波此夕竟愁予雲昏難覓沉石月寒偏寒
出水我道不應悲鵬鳥天心未許葬江魚從今寄語玄真子泛
宅浮家豈易居

水碓

臨流誰愛石野碓艸蒙茸首仰同秧馬身迴騰水龍聲敲村月落
影帶夕陽春東板深三尺衝波駭萬重雙輪周上下千齒認縱橫
塙缺宜花補堤連任蘚封手知翻最易腰學折來恭杵急低昂續
泉源左右逢山姑爭選石鄰叟愛扶昂夜搗寒雲碎春藏宿霧濃
冷催歸路笛遠蒼夕陽鐘杜預傳精妙翻車後世宗

菜花

極目芳塍眼界寬春來莫笑一畦寒香籠輕霧留低影色帶斜陽
耐遠看不與綺羅爭艷麗也隨蔬筍供盤餐東風粧點偏零亂處
處晴光入畫難

春歸陌路晚晴天色散黃金分外妍無痕濃帶露遠隨新柳黛
含烟霞蒸麥隴人驅犢日暮柴門客駐鞭一望郊原知歲稔農夫
應預話豐年

客松州購得陳章侯徐象九合摹刻劉文成授經圖象即題

其上

帝師上應少微星道貌猶存古典型閨世幾人能擇主凌烟當日
未圖形勳名自足高千古韜畧原來本六經王氣銷沉人事改徒
教想像入丹青

上元夜鹿城旅邸感作

鹿城燈火暖如煙獨肯深宵未肯眠人去已成千載別月明偏過
五回圓無多好夢留今夕祇有春光似昔年咫尺芝田歸未得空
厨孤館兩茫然

書篋中檢得亡室陳孺人遺硯感作

寫韵人今去不遂尚留一片斷雲頑深情百劫消摩盡鶴眼猶疑
淚點斑

客史深

送

送榴生歸蘭谿

久客多味思無端返故林落花游子夢香叶美人心萍懸波中梗
相悲雙下琴側身天地外難遇是知音

聞汝長安道風塵感遇年人前多白眼杯底有青天懶或因嵇癖
狂來過未顏春婆嗟夢短依舊寄吟牋

同榴生登西山望海和作

故人一以別倏忽垂二年惠然來安固重結文字緣日夕動游興
振衣西山顛西山高百仞上與青天連飛泉來吾手長松覆吾肩
高城環其下俛視叢人烟江城浦樹出遙見物華鮮風風隱復現
千里潭吞天海濤蕩空碧蒼茫愁無邊極目縹渺際豈無蓬萊仙
仰天一長嘯世界空大千吾友能高歌寄我雲霞篇清景恐遂失
答此青苔牋

客

過益頭嶺

口明天未明行客先鳥起肩輿催出門夢續千山裏嶺頭口口生
霜華白如洗遙知近孤村荒雞難聒聲耳

舟宿富陽

夜泊富春渚江空露濕衣心隨行路遠夢到故鄉稀水落魚罾瘦
烟沉蟹火微蘆花飛起處又見雁行飛

吳山懷林若衣用光開將南歸

美人在天末日暮獨登樓烟水渺無際長江萬里流白雲迷遠島
紅樹老新秋若在處名楓英中有故鄉客征帆指盡頭

溫州府

